









管子卷第十五

唐司空房玄齡注

勢第四十二

正第四十三

九變第四十四

任法第四十五

明法第四十六

正世第四十七

治國第四十八

勢第四十二

短語十六

戰而懼水。此謂澹滅。

方戰之時懼致水禍此必爲水所澹而滅也

小事



不從。大事不吉。

苟懼水禍則事無小大未見其福也

戰而懼險。此謂

迷中。

方戰之時懼有險礙進退莫知所從故曰迷中言在迷惑之中

分其師衆。人

既迷茫。必其將亡之道。

人既迷惑不知所從則無所用其力是以滅其師衆

矣又況迷惑茫然乎若是者必亡其衆凡此二事皆滅亡之道也

動靜者比於死。

比近也。用師之道我動而敵靜者則靜者勝矣。故我近於死也。

動作者比於醜。

我先動敵反作應者我必無功。故近於醜。

動信者比於距。

我既動彼能自申以敵我

如此者近於見距也。動詘者比於避。

我既動而彼屈服者近於見避。

夫靜與

作時以爲主人。時以爲客。賢得度。

靜作得度則爲主人其失度者

則爲客也。知靜之修。居而自利。

既多智而又安靜二者能修則居然自獲其利



也知作之從每動有功。知其所作常能從理如此者動必有功也故曰

無爲者帝。其此之謂矣。言無心於爲任理之自逆然如此者帝王之道也

節萌生。天地未形。先爲之政。其事乃不成。繆受其

刑。言將爲篡殺凶逆之節雖萌牙而生然天地寂泊不見徵應無從已之形此則先天而政天乃

違之故其事不成則天因人。聖人因天。所謂先天

被誅戮受其刑罪也天時不作。勿爲客。不因天時而動者乃爲客矣人事不

起。勿爲始。不因人事而起可謂先事爲始慕和其衆。以修天地之

從。人先生之。天地刑之。聖人成之。則與天同極。將建

大事必慕和其衆天地既已從但當修天之意人先生是心天地又見其修意有從順之形聖人則

玄  
卷  
二  
披



發動而成如此者可謂與天同極也正靜不爭動作不貳素質不留

全其素質無所留者與地同極能行正靜已下可謂與地同極也未得天極

則隱於德未得與天同極則隱而修德也已得天極則致其力已得

天極則當致力而成之若湯之升師武王牧野是也既成其功順守其從人

不能代從順也功成矣則以順理守之所謂逆取順守者也則人何能代之乎成功

之道羸縮為寶羸縮猶行藏也所謂時行則行時止則止其道乃著故以為寶毋

亡天極究數而止但盡天之數則止而勿為事若未成毋改其

形毋失其始形謂常形也守常修始事終有成也靜民觀時待令而

起言事未成之時但安靜其人謹候其時待天命令然後起而應也故曰修陰陽



之從而道天地之常

道從也

羸羸縮縮因而為當

必行

藏順時然後事當重言之殷勤其事也

死死生生因天地之形

死死生猶隱

顯也聖人隱顯必因天地之形

天地之形聖人成之

因天地之形則無不成也

小取者小利大取者大利

但能法則大小無不利

盡行之者

有天下

所謂唯天為大唯堯則之

故賢者誠信以仁之慈惠以

愛之端政象不敢以先人

常執謙以下物

中靜不留

中心安靜

無所留著裕德無求

道德饒裕無求於人

形於女色

女之容色靜而不先求者

其所處者柔安靜樂

雖復隱處常能柔安靜樂

行德而不爭以

待天下之瀆作也

雖復為政行德常能謙讓不與物爭瀆動亂也

故賢者



安徐正靜。柔節先定。

先定謙柔之節。然後有所興為也。

行於不敢

則人不能與我爭勇。

而立於不能。

則人莫與我爭功。

守弱節而堅處

之。

守柔弱之節而堅明以自處也。

故不犯天時。

不亂民功。

謙順故無所犯。

亂也。秉時養人。

持四時之政以順養其人。

先德後刑。

賞以春夏。刑以秋冬。順

於天。微度人。

既順於天。又微度人之所宜以合之。

善周者明不能見

也。

善於周周則極也。萬物無所至如也。此者雖有明察之人不能盡矣。

善明者周不

能蔽也。

善於明明則極也。如此者則雖善周之大。人不能自隱蔽。必為善明者所知也。

大

明勝大周。則民無大周也。

明勝大周則人無能為大周也。

大周勝

大明。則民無大明也。

周勝大明則人無能為大明。凡此皆欲大周大明獨在君



知所倚伏力  
其功而致其  
權

也大周之先可以奮信奮信振起貌言既有大周之德在物之先則可以振

起而有事大明之祖可以代天下有大明之德可以為物祖如此則可代天

下無道取其位而君之也索而不得求之招搖之下招搖之星隨斗杓順

時而建者也天下者神器直欲索之則不得若求之招搖之下順時而取則可也獸厭走

而有伏網罟獸所以憎厭其走者恐前有伏網罟故聖人不敢以直道取天下者恐有

大禍一偃一側不然不得偃側猶倚伏也聖人之取天下知云云文設武

故也伏如其不然則天位不可得也大文三曾而賢義與德大武三曾

而偃武與力大文三曾則文道行也故能成其德義大武三曾則武道行也故能偃其

力武



正第四十三

短語十七

制斷五刑。各當其名。罪人不怨。服罪故不怨也。善人不驚。

曰刑。

刑當故不驚。如此者所謂刑也。

正之。

所以勝姦正也。

服之。

所以服勝不能也。

勝

之。

所以勝姦邪。

飾之。

修飾身也。

必嚴其令。而民則之。曰政。

令嚴

則人作法之如此者政也。

如四時之不貲。如星辰之不變。如宵

如晝。如陰如陽。

宵晝陰陽皆有其常。

如日月之明。曰法。

法之用守

常不變

愛之生之。養之成之。利民不得。

利雖及人不以為德也。

天下親之。曰德。

德用之恩萬物親之。

無德無怨。無好無惡。萬



按當作毋使  
民徑

物崇一。陰陽同度曰道。

道之用刑以弊之。政以命

不二者

之法以遏之。德以養之。

物待德

道以明之。

明是非也

以弊之。毋失民命。

刑斷合理故

令之以終其欲。明

之毋徑。

行令所以終人之欲使之明識正道不從邪徑也

遏之以絕其志。

意。毋使民幸。

用法正人之志意不使人有非分之幸也

養之以化其惡。

必自身始。

身惡盡則人惡化

明之以察其生。必修其理。

恐有

不修理故

致刑其民。庸心以蔽。

庸用也。不用心以斷則濫及不辜

致政其民。服信以聽。

服用也。謂用誠信聽理於人

致德其民。和

平以靜。

君德及人以致和靜

致道其民。付而不爭。

人被道則相付任而



不交爭也罪人當名曰刑刑之謂也出令時當曰政當

於正時謂也當故不改曰法不改當故愛民無私曰德

君愛無私德之謂也會民所聚曰道聚謂衆所宜也能立常

行政能服信乎服信則政中和慎敬能日新乎苟

和敬則其德日新也正衡一靜能守慎乎衡平也言但能守

廢私立公能舉人乎但公而無私臨政官民能後

其身乎後其身則能能服信政此謂正紀能行信

紀能服日新此謂行理能行日新可守慎正名偽

詐自止能慎則舉人無私臣德咸道無私則不妄

詐息也

舉故臣德皆



合於道也。能後其身。上佐天子。後身則先公故能上佐天子也。

九變第四十四

謂人之情變有九

短語十九

凡民之所以守戰至死而不德其上者。有數以至

焉。或守或戰。雖復至死不敢恃之以德於上。則有數存焉。於其間故能至死也。曰。大者

親戚墳墓之所在也。一變也。田宅富厚足居也。二變也。不

然則州縣鄉黨與宗族足懷樂也。三變也。不然則上之

教訓習俗慈愛之於民也厚。無所往而得之。君之恩厚

皆在於人無所他往。故得人之致死四變。不然則山林澤谷之利足生



也。<sup>五</sup>不然。則地形險阻。易守而難攻也。<sup>六</sup>不然。則

罰嚴而可畏也。不然。則賞明而足勸也。<sup>七</sup>不然。則

有深怨於敵人也。<sup>八</sup>不然。則有厚功於上也。<sup>九</sup>不然。則

多故亦自爲戰而。不德於君。九變。此民之所以守戰至死而不德

其上者也。今恃不信之人而求以智。用不守之民

而欲以固。將不戰之卒而幸以勝。此兵之三閼也。

### 任法第四十五

區言一

聖君任法而不任智。任數而不任說。任公而不任



私任大道而不任小物。小物小事然後身佚而天下治。

失君則不然。舍法而任智。故民舍事而好譽。舍數

而任說。故民舍實而好言。舍公而好私。故民離法

而妄行。舍大道而任小物。故上勞煩。百姓迷惑而

國家不治。聖君則不然。守道要處。佚樂馳騁弋獵。

鐘鼓竽瑟。宮中之樂無禁圉也。宮中之樂所以悅體安性故不禁禦

之。不思不慮。不憂不圖。但任法數故無所慮圖也利身體。便形

軀。養壽命。垂拱而天下治。但任法數則事簡故身不勞壽命長而天下自

也。理是故。人主有能用其道者。道則謂上法數公正大道不事心。



不勞意不動力而土地自辟。困倉自實。蓄積自多。

甲兵自彊。羣臣無詐僞。百官無姦邪。奇術技藝之

人莫敢高言。孟行以過其情。以遇其主矣。孟大也。遇待也。

不敢以謬妄姦言。妄行以待其主也。昔者堯之治天下也。猶埴之在

埴也。埴和也。音羶。唯陶之所以爲。猶金之在鑪。恣冶之

所以鑄。其民引之而來。推之而往。使之而成。禁之

而止。故堯之治也。善明法禁之令而已矣。黃帝之

治天下也。其民不引而來。不推而往。不使而成。不

禁而止。比黃帝之於堯則堯有爲而黃帝無爲。故黃帝之治也。置法



而不變。使民安其法者也。所謂仁義禮樂者。皆出

於法。法行順。仁義生。此先聖之所以一民者也。法所以齊一於民也。

周書曰。國法。有國者有法也。法不一。則有國者不祥。法不一則

亂故不祥。民不道法。則不祥。從道國更立法以典民則祥。

更改也。典主也。言能觀宜改。羣臣不用禮義教訓

則不祥。百官服事者。離法而治。則不祥。服行也。故曰

法者。不可恒也。法敝則當變。故不恒。存亡治亂之所從出。法順

則存治法。違則亂亡。聖君所以為天下大儀也。君為天下之儀表也。君

臣上下賢賤皆發焉。莫不取法於君臣發行也。故曰。法。古之法



也。立法者必師古世無請謁任舉之人。任保也以法取人則無請謁之保舉

無間識博學辯說之士。間雜亂也。法行則博學辯說之人不敢間亂識事也。

無偉服無奇行。偉服奇行皆過越法制者。今止息者畏法故也。皆囊於法

以事其主。囊者所以歛藏也。謂人皆歛藏過行以順於法上事其主。故明王之

所恒者二。一曰明法而固守之。二曰禁民私而收

使之。謂以法收歛而使之。此二者主之所恒也。廢此二者則政亂。夫

法者上之所以一民使下也。私者下之所以侵法

亂主也。故聖君置儀設法而固守之。然故謹杵習

士聞識博學之人不可亂也。杵所以毀碎於物者也。謂姦詐之人偽託。



於謹以毀君法習士謂習法之士聞識謂衆彊富

多聞廣識君守法堅故此等莫能亂也

賢私勇者不能侵也信近親愛者不能離也

珍恠奇物不能惑也萬物百事非在法之中者不

能動也珍恠奇物此正法爲恠僻故法者天下之至道也道無越於

法者聖君之實用也用法爲理國之實今天下則不然皆有

善法而不能守也然故謹杵習士聞識博學之士

能以其智亂法惑上衆彊富賢私勇者能以其威

犯法侵陵謂侵陵於君也鄰國諸侯能以其權置子立相

鄰國恃權能廢置謂用私大臣能以其私附百姓恩誘百



姓使附也

翦公財以祿私士

謂翦公財以祿私士此凡皆以君不守法故也

如是而求法之行國之治不可得也

謂從失法之後國不可得

理也

聖君則不然卿相不得翦其私羣臣不得辟其

所親愛聖君亦明其法而固守之羣臣修通輻湊

謂各得自通於君如輻之湊也

以事其主百姓輯睦聽令道法以

從其事

道從也

故曰有生法有守法有法於法夫生

法者君也

君始制法故曰生法

守法者臣也

臣則守法而行法於法

者民也

人則法君之法

君臣上下賢賤皆從法此謂為大

治故主有三術

謂上主中主危主也

夫愛人不私賞也惡人



不私罰也。置儀設法以度量斷者。上主也。愛人而  
私賞之。惡人而私罰之。倍大臣。離左右。專以其心  
斷者。中主也。臣有所愛而為私賞之。有所惡而為  
私罰之。為大臣愛惡之故而私賞罰也倍其公法。損其正心。謂損  
之專聽其大臣者。危主也。故為人主者。不重愛人。  
不重惡人。重愛曰失德。重惡曰失威。君隨臣愛惡則威德皆在  
於臣故威德皆失。則主危也。故明王之所操者六。  
曰失也生之。殺之。富之。貧之。賢之。賤之。此六柄者。主之所  
操也。主之所處者四。一曰文。二曰武。三曰威。四曰



德。此四位者。主之所處也。藉人以其所操。命曰奪

柄。藉人以其所處。命曰失位。奪柄失位而求令之

行。不可得也。既至於奪柄失位之法不平。令不全。

是亦奪柄失位之道也。法不平。令不全。則柄位不

道。故有爲枉法。有爲毀令。此聖君之所以自禁也。

言有枉法毀令。聖君則能禁止之。故賢不能威。富不能祿。賤不能

事。近不能親。美不能淫也。此五事解。見下文。植固而不動。

奇邪乃恐。則所立堅。則不可動。若奇邪。奇革而邪化。

令往而民移。則敗亡。旋及。故恐奇音羈。故聖君



按失字當作以謂聖君以度量置儀法也

失度量置儀法

聖君見有失度量則置儀法以改也

如天地之堅

堅謂

尊如列星之固

自古至今不見天星有虧敗也

如日月之明

無私耀臨

如四時之信

寒暑之氣來必以時

然故令往而民從之

君能苞上

之四事故令往人從也

而失君則不然法立而還廢之令出

而後反之枉法而從私毀令而不全是賢能威之

富能祿之賤能事之近能親之美能淫之也此五

者不禁於身

君身不能自禁止也

是以羣臣百姓人挾其私

而幸其主

妄布非分之恩

彼幸而得之則主曰侵

臣得不當得之

恩則主曰見侵也

彼幸而不得則怨曰產

若不得所幸則怨毒曰生也

管子

卷五

世

廷惠



夫日侵而產怨。此失君之所慎也。凡為主而不得

用其法。不適其意。顧臣而行。凡有所行不敢自專。顧望其臣而為之也。

離法而聽賢臣。賢臣雖有離法亦聽從之。此所謂賢而威之也。

言賢臣能威於君也。富人用金玉事主而來焉。謂以金玉來事主也。

離法而聽之。此所謂富而祿之也。言富人能祿於君也。賤人

以服約卑敬。悲色告勸其主。服約謂屈服隱約也。主因離法

而聽之。所謂賤而事之也。言賤人善諂君聽之。近者以偏近

親愛。有求其主。主因離法而聽之。此所謂近而親

之也。言近者恃親以要君則君從。美者以巧言令色請其主。主



因離法而聽之。此所謂美而淫之也。

言美者能以言色淫動於

君故君亦聽之

治世則不然。不知親疎遠近。賢賤美惡。以

度量斷之。其殺戮人者不怨也。

殺當其罪故不怨也

其賞賜

人者不德也。

以功受賞故不德於君也

以法制行之。如天地之

無私也。是以官無私論。士無私議。民無私說。皆虛

其匈以聽於上。

匈恐懼貌

上以公正論。以法制斷。故任

天下而不重也。

法制行則事簡故不重也

今亂君則不然。有私

視也。故有不見也。有私聽也。故有不聞也。有私慮

也。故有不知也。

凡私則不周故有不見聞知也

夫私者。壅蔽失位

非何胸臆也注

管子

卷五

上

廷惠



之道也。上舍公法而聽私說。故羣臣百姓皆設私

立方以教於國。

方謂異道術也

羣黨比周以立其私。請謁

任舉以亂公法。人用其心以幸於上。上無度量以

禁之。是以私說日益而公法日損。國之不治從此

產矣。夫君臣者。天地之位也。民者衆物之象也。各

立其所職以待君令。羣臣百姓安得各用其心而

立私乎。故遵主令而行之。雖有傷敗無罰。

遵令而行敗非

已致故無罰也

非主令而行之。雖有功利罪死。

失令有功法所不赦

故罪死

然故下之事上也。如響之應聲也。臣之事主



也。如影之從形也。故上令而下應。主行而臣從。此治之道也。夫非主令而行。有功利。因賞之。是教妄舉也。賞不從令是教妄爲舉措遵主令而行之。有傷敗而罰之。是使民慮利害而離法也。羣臣百姓。人慮利害。而以其私心舉措。則法制毀而令不行矣。

明法第四十六

區言二

所謂治國者。主道明也。

主道明則公法明故國治

所謂亂國者。

臣術勝也。

臣術勝則私事立故國亂

夫尊君卑臣。非計親也。以



議從低

執當作勢古  
字  
接識當作官  
官論職乃字  
有闕誤

執勝也

令尊君卑臣者其計非欲使親君也但令君執其勝也

百官識非惠

也。刑罰必也。

必令百官識非公之惠而不敢受又知刑罰必行無妄求免罪也

故

君臣共道則亂。

臣行君事故曰共道

專授則失。

若君有所授與不合衆心

而專之亦為失也

夫國有四凶。令求不出謂之滅。

求不出令則下

無所稟故滅

出而道留謂之擁。

中道而留止故曰擁

下情求不上

通謂之塞。

求不上通則與君隔絕故曰塞也

下情上而道止謂之

侵。

下情雖欲上通中道為左右所止此則臣侵上事也

故夫滅侵塞擁之所

生。從法之不立也。是故先王之治國也。不淫意於

法之外。

淫遊也

不為惠於法之內也。

不屈法以成私惠也

動無



非法者。所以禁過而外私也。外遺也。威不兩錯。臣行君威

為兩政不二門。臣出政是為二門也。以法治國。則舉錯而已。

言能以法理國。但舉而置之無不行。是故有法度之制者。不可巧以

詐偽。非法度不聽。則詐偽何施。有權衡之稱者。不可欺以輕重。

以權衡稱之。輕重立見也。有尋丈之數者。不可差以長短。今主

釋法以譽進能。則臣離上而下比周矣。比周於下。所以求譽。

以黨舉官。則民務交而不求用矣。交合則自進。官何須求用。是

故官之失其治也。是主以譽為賞。以毀為罰也。毀以

譽為賞。罰則官自然失理。然則喜賞惡罰之人。離公道而行私。



術矣

行私術自然得賞安用就公道而求乎

比周以相為匿是

比周者凡

有公是之事皆匿而不行也

忘主死交以進其譽故交眾者譽

多

為交友致死其譽自進

外內朋黨雖有大姦其蔽主多矣

是以忠臣死於非罪

朋黨共毀之故忠臣非罪而死

而邪臣起於

非功

朋黨共譽之故邪臣非功而起

所死者非罪所起者非功也

然則為人臣者重私而輕公矣

私則得利公而致禍故重私而輕公

矣十至私人之門

私人之門謂所與交私為朋黨者也

不一至於庭

謂之君庭

百慮其家不一圖國

重私輕公故也

屬數雖眾非以

尊君也

所屬之數雖曰眾多無不黨私故非尊君也

百官雖具非以任

按是下脫故字匿字為句



國也。各務私故不任國事此之謂國無人。國無人者。非朝臣

之衰也。家與家務於相益。不務尊君也。大臣務相

賢而不任國。小臣持祿養交。不以官為事。故官失

其能。官各失能則與無人同也是故先王之治國也。使法擇人。

不自舉也。使法量功。不自度也。設法者自著擇人量功之條故不勞

自舉度也故能匿而不可蔽。苟有材能則法自舉之不可隱蔽也敗而不

可飾也。無功而敗法自量之故不可虛飾也譽者不能進。無材雖譽之而不能

進也而誹者不能退也。有功雖誹之而不能退也然則君臣之間

明別。謂賢不肖有功者各明白而分別也明別則易治也。明別則無偽濫故易



治也。主雖不身下爲謂不身爲其事而守法爲之可也。但守法則

法自爲之不勞身也

### 正世第四十七

#### 區言三

古之欲正世調天下者。必先觀國政。料事務。察民俗。本治亂之所生。知得失之所在。然後從事。從爲故法可立而治可行。夫萬民不和。國家不安。失非在上。則過在下。今使人君行逆不修道。誅殺不以理。重賦歛。得民財。急使令。罷民力。使令急故人力疲也財竭則



不能毋侵奪

人財竭則侵奪以共上稅也

力罷則不能毋墮倪

倪傲也謂疲墮而傲從也

民已侵奪墮倪因以法隨而誅之則

是誅罰重而亂愈起夫民勞苦困不足則簡禁而

輕罪如此則失在上失在上而上不變則萬民無

所託其命今人主輕刑政寬百姓薄賦歛緩使令

然民淫躁行私而不從制飾智任詐負力而爭則

是過在下過在下人君不廉而變

廉察也

則暴人不

勝邪亂不止暴人不勝邪亂不止則君人者勢傷

而威日衰矣故為人君者莫賢於勝所謂勝者法



立令行之謂勝。法立令行。故羣臣奉法守職。百官

有常法。不繁匿。萬民敦慤。反本而儉力。

謂廉嗇而勤力也

故賞必足以使。

謂使人從善也

威必足以勝。

謂勝合姦邪也然後

下從。故古之所謂明君者。非一君也。

五帝三王俱曰明君故曰

非一

其設賞有薄有厚。其立禁有輕有重。迹行不必

同。非故相反也。皆隨時而變。因俗而動。夫民躁而

行僻。則賞不可以不厚。禁不可以不重。

既躁而僻則難化須

厚賞以誘之。重禁以威之。

故聖人設厚賞。非侈也。立重禁。非戾

也。賞薄則民不利。禁輕則邪人不畏。設人之所不



利欲以使。則民不盡力。立人之所不畏。欲以禁。則  
邪人不止。是故陳法出令。而民不從。故賞不足勸。  
則士民不爲用。刑罰不足畏。則暴人輕犯禁。民者。  
服於威殺。然後從。見利然後用。被治然後正。得所  
安然後靜者也。夫盜賊不勝。邪亂不止。彊劫弱。衆  
暴寡。此天下之所憂。萬民之所患也。憂患不除。則  
民不安其居。民不安其居。則民望絕於上矣。夫利  
莫大於治。害莫大於亂。夫五帝三王。所以成功立  
名。顯於後世者。以爲天下致利除害也。事行不必



同。所務一也。

莫不務於理也

夫民貪行躁而誅罰輕。罪過

不發。

有罪過者不發舉也

則是長淫亂而便邪僻也。有愛人

之心而實合於傷民。

輕刑以愛人。姦多反傷人也

此二者不可

不察也。

二者謂愛與傷人

夫盜賊不勝。則良民危。

良人爲盜所害

故危

法禁不立。則姦邪繁。故事莫急於當務。

每事當其務則

理也

治莫賢於得齊。

齊謂無非人也

制民急則民迫。民迫則

窘。窘則民失其所葆。

葆謂所恃爲生者也

緩則縱。縱則淫。淫

則行私。行私則離公。離公則難用。故治之所以不

立者。齊不得也。

謂上有非人也

齊不得。則治難行。故治民



之齊不可不察也。聖人者明於治亂之道。習於人  
事之終始者也。其治人民也。期於利民而止。至於利人  
則止而故其位齊也。不慕古。不留今。留謂守與時  
勿理也變與俗化。夫君人之道。莫賢於勝。勝故君道立。則勝  
無不服故君道立。然後下從。下從故教可立。而化  
君道立也可成也。夫民不心服體從。則不可以禮義之文教  
也。君人者不可以不察也。

治國第四十八

區言四



凡治國之道。必先富民。民富則易治也。民貧則難治也。奚以知其然也。民富則安鄉重家。安鄉重家。則敬上畏罪。敬上畏罪。則易治也。民貧則危鄉輕家。危謂不安其所居也危鄉輕家。則敢陵上犯禁。陵上犯禁。則難治也。故治國常富而亂國常貧。是以善爲國者。必先富民。然後治之。昔者七十九代之君。法制不一。號令不同。然俱王天下者。何也。必國富而粟多也。夫富國多粟。生於農。故先王賈之。凡爲國之急者。必先禁末作文巧。末作文巧禁。則民無所游。



食。民無所游食則必農。謂必務農民事農則田墾田墾

則粟多。粟多則國富。國富者兵彊。兵彊者戰勝。戰

勝者地廣。是以先王知衆民彊兵廣地富國之必

生於粟也。故禁末作止奇巧而利農事。今爲末作

奇巧者。一日作而五日食。言取一日之利可共五日之食也農夫

終歲之作不足以自食也。然則民舍本事而事末

作。舍本事而事末作則田荒而國貧矣。凡農者月

不足而歲有餘者也。而上徵暴急無時。謂徭稅不以時則

民倍貸以給上之徵矣。倍貸謂貸一還二也耕耨者有時而



澤不必足

謂雨澤不足也

則民倍貸以取庸矣

澤不足則歲凶富者

倍貸於貧不能還其倍價者則計所倍而取庸矣

秋糴以五春糴以束是

又倍貸也

謂富者秋時以五糴之至春出糴便收其束矣此亦倍貸之類也束十疋也

故以上之徵而倍取於民者四

謂上無時之徵一也澤不足二秋糴

春糴三也下關市府庫之徵四也

關市之租府庫之徵粟什一廛

輿之事此四時亦當一倍貸矣

府庫謂府之庫新有徵稅言人供關

市府庫之徵亦用粟之什一計四時常有所用故亦當一倍貸之

夫以一民養四

主

四主即上四倍貸也

故逃徙者刑

謂有刑罰

而上不能止者粟

少而民無積也常山之東河汝之間蚤生而晚殺



伯不務德而務于  
兵故軍生而  
隨殺之

按別本註伯  
者或不能廣  
積蓄故有時  
而竭王者之  
民積之廣而  
生之不已也

五穀之所蕃孰也。四種而五穫。

四種謂四時皆種  
五穫謂五穀皆宜

而有

中年畝二石。一夫為粟二百石。今也倉廩虛

而民無積。農夫以粥子者。上無術以均之也。故先

王使農士商工四民交能易作。

交能易作謂雖士  
亦善於農工雖農

亦通於  
士業也

終歲之利無道相過也。

道從也四人均能  
故其利無從相過

之。是以民作一而得均。

四人交能易  
作故曰一也

民作一則田

墾姦巧不生。田墾則粟多。粟多則國富。姦巧不生

則民治。富而治。此王之道也。不生粟之國亡。粟生

而死者霸。

霸者或不能廣積粟故  
人有不生而致死者也

粟生而不死者



王

王者積粟既多故人保其生無復致死者也

粟也者民之所歸也。粟

也者財之所歸也。

有粟則人歸之

粟也者地之所歸也。

積粟

既多或有入地歸降者也

粟多則天下之物盡至矣。故舜一徙

成邑。二徙成都。參徙成國。舜非嚴刑罰重禁令而

民歸之矣。去者必害。

謂背舜而去者

從者必利也。先王者

善爲民除害興利。故天下之民歸之。所謂興利者

利農事也。所謂除害者禁害農事也。農事勝則入

粟多。入粟多則國富。國富則安鄉重家。安鄉重家

則雖變俗易習。

謂改易其常習

毆衆移民。至於殺之而民



不惡也。此務粟之功也。上不利農則粟少。粟少則人貧。人貧則輕家。輕家則易去。易去則上令不能必行。上令不能必行。則禁不能必止。禁不能必止。則戰不必勝。守不必固矣。夫令不必行。禁不必止。戰不必勝。守不必固。命之曰寄生之君。謂暫寄爲生不能長此由不利農少粟之害也。粟者。王之本事也。人主之大務。有人之塗。謂保有其人其塗主因粟也治國之道也。



管子卷第十五

終



管子卷第十六

唐司空房 玄齡 注

內業第四十九 封禪第五十

小問第五十一

內業第四十九

區言五

凡物之精此則為生

精謂神之至靈者也得此則為生

下生五穀

上為列星流於天地之間謂之鬼神藏於胃中謂

之聖人是故民氣

謂上之精者則人氣也

杲乎如登於天

杲明

管子

卷十六

一

頤植刻



貌也

杳乎如入於淵

女教反

乎如在於海

渚洧潤也

卒乎

如在於已

人有氣則存故如在於已也

是故此氣也不可止以

力

以力止之氣愈去

而可安以德

靜心念德氣自來也

不可呼以聲

而可迎以音

調其宮商使之克諧氣自來也

敬守勿失是謂成德

不失氣自成

德成而智出

德成智自生也

萬物果得

以智安物物皆得宜

凡心之刑

刑法也謂得安心之法也

自充自盈

充盈謂完而無虧也

自生

自成

生成謂每心生必有所成凡此皆得安心法故也

其所以失之必以

憂樂喜怒欲利

此六者過常以亂於心則失矣

能去憂樂喜怒欲

利心乃反濟

若能去六者則心反守其所而能濟成也

彼心之情利安



以寧

安寧者心之所利也

勿煩勿亂和乃自成

若無煩亂折心和自成折

折乎如在於側忽忽乎如將不得

折折明貌言心明察若在其側

及其求之則忽忽然而不得

渺渺乎如窮無極

渺渺微遠貌言心之微遠如欲

窮之則無其極

此稽不遠日用其德

常以此考心不遠也夫

道者所以充形也

自形內而虛者皆道

而人不能固

人不能固守其

虛反以利欲塞也

其往不復其來不舍

既有利欲之心則道往而不復雖其

有來無處可舍

謀乎莫聞其音

今謀欲尋於道則不聞其音

卒乎乃在

於心冥冥乎不見其形

尋至於極則近於心心之方寸虛道之君乎

淫

淫乎與我俱生

淫淫增進貌有生則有道故曰與我俱生也

不見其形



不聞其聲而序其成謂之道雖無形聲常依序而成故謂之道也

凡道無所善心安愛言道無他善唯愛心安也心靜氣理道乃

可止若靜心則氣自調理故道來止也彼道不遠民得以產人得以

生則道在人故不遠也彼道不離民因以知人既因道而知則道常在而不

離是故卒乎其如可與索推尋其終似可與索眇眇乎其如

窮無所及欲窮之則眇眇然無所彼道之情惡音與聲音聲者所以亂

道故惡之也修心靜音道乃可得道也者口之所不能

言也目之所不能視也耳之所不能聽也所以修

心而正形也雖不可以言語視聽用之修心則外形自正也人之所失以



死。所以生也。事之所失以敗。所以成也。

凡道無根無莖無葉無榮。

道非如卉木而有根莖花葉也。

萬物以

生。萬物以成。命之曰道。

無根莖而能生無花葉而能成則陰陽不測者也。故

命之曰天主正。

平分四時天之正也。

地主平。

均生萬物地之平也。

人主安

靜。無為而無不為。人之安靜也。

春秋冬夏天之時也。山陵川谷。

地之枝也。

為地之枝條也。

喜怒取予。人之謀也。

四者謀之用也。是

故聖人與時變而不化。

時自變耳。聖本不化。

從物而不移。

遷物

而從之。聖本不移。

能正能靜。然後能定。

必正靜然後定也。

定心在

中。耳目聰明。四枝堅固。

心苟定於中則耳目自聰明。四枝自堅固者也。可



以爲精舍

心者精之所舍

精也者。氣之精者也。

氣之尤精者爲之精

氣道乃生

氣得道能有生

生乃思

生則有心故思也

思乃知

思則知生

也知乃止矣

成智則理足故止也

凡心之形。過知失生

安心之法

智過其度則失其生

一物能化謂之神

一事能變謂之智

謂一

無也謂無心於物事而物事自變化以爲神智也

化不易氣。變不易智。惟

執一之君子能爲此乎

苟執一故能不

執一不失

能君萬物

無心爲有

君子使物不爲物使

無心故能使物

而物不得一之理

治心在於中

苟得中則

治言出

於口。治事加於人

則無

然則天下治矣。一言得而



天下服。一言定而天下聽。公之謂也。理心之謂形不正。

德不來。中不靜。心不治。正形攝德。天仁地義。則淫

然而自至。言欲正形攝德。但能則天之仁法地之義。則德淫然自至。淫進貌也。神明

之極。照乎知。照智者神。明之極理。萬物中義守不忒。若常守中則無

差忒不以物亂官。貪物則官亂不以官亂心。貪官則心亂也是謂

中得。能忘官貨則中心自得也有神自在身。中得則神自在身也一往一

來。莫之能思。神不測者也。故往來不能思也。失之必亂。得之必治。

謂神也敬除其舍。精將自來。精想思之。除謂有則想思之寧

念治之。寧靜思念則心自治嚴容畏敬。精將至定。但能嚴敬則精至而



定得之而勿捨耳目不淫心無他圖既得精守之而勿捨則耳

目不淫心無他慮也正心在中萬物得度心在中而正則無過舉故萬物得度

也道滿天下普在民所民不能知也言人皆有道但不能自知

耳一言之解上察於天下極於地蟠滿九州若能

之一言則能察天極地而何謂解之在於心安道解

中滿於九州蟠委地也者在於我心治官乃治我心安官乃安言官之治安皆從心

生治之者心也安之者心也治之與安心以藏心

言心亦藏心之中又有心焉以心藏心故彼心之

於心也心謂心中所音以先言言從音生音然後形有音

按當作意以先言

也見形然後言。有言則出命言然後使。故有所使令使然

後治不治必亂。理使而違亂乃死。亂則凶禍精存自

生其外安榮。精存於中則自然長生內藏以為泉

原。內藏於精則無浩然和平以為氣淵。言精既浩

能生氣故淵之不涸。為氣淵四體乃固。生氣之淵不有竭

泉之不竭九竅遂通。藏精之泉不竭乃能窮天地。

被四海。體固竅通故能壽中無惑意外無邪蓄。邪

生於惑意故內無惑。意則邪蓄自銷也心全於中形全於外。中全則外完

不逢天菑不遇人害。天菑人害能謂之聖人。人能



正靜。皮膚裕寬。耳目聰明。筋信而骨強。但能正靜則皮膚自

裕寬耳目自聰乃能戴大圜。天也而履大方。地也鑒於

大清。道也視於大明。日月也敬慎無忒。日新其德。徧知

天下。窮於四極。敬發其充。充謂道也是謂內得。發行於道故內

得也然而不反。此生之忒。忒差也若不反守於道則生有差謬也

凡道必周密。周密則慎不泄必寬必舒。寬舒則博而密必堅必

固。堅固則精不解守善勿舍。勿舍則善自成逐淫澤薄。競逐淫邪津澤浮薄

既知其極。反於道德。知極反德則常道自隆全心在中。不可

蔽匿。有諸內必形於外也和於形容。心和者容晬也見於膚色。內暢者體

按和當作知

澤善氣迎人。親於弟兄。惡氣迎人。害於戎兵。不言

之聲。疾於雷鼓。謂全心以德感物者也。德者不疾而速。不崇朝而遍天下。故疾於雷。

鼓心氣之形。明於日月。察於父母。全心之氣發形於外。則無不耀。

無不知。若明於日月。察於父母也。賞不足以勸善。慕賞乃善。非本為善。刑不

足以懲過。畏刑懲過。非本無過。氣意得而天下服。若不慕賞。不畏刑意。

氣內得此誠善也。故天下服。心意定而天下聽。心意定則理明。故天下聽也。

搏氣如神。萬物備存。搏謂結聚也。結聚純氣則無所不變化。故如神而物備存。

矣。能搏乎。能一乎。搏結則自一也。能無卜筮而知吉凶乎。

吉凶在於逆順。故不須卜筮而知也。能止乎。能已乎。謂正而求諸已也。能勿



求諸人而得之已乎。

求人者惑自得者明

思之思之。又重思

之。

求已者必須再三思之也

思之而不通。鬼神將通之。

若再三思之而

不通則或致鬼神為通之也

非鬼神之力量也。精氣之極也。

言今能致

鬼神者非鬼神自見其力蓋由思之不已精氣之極也

四體既正。血氣既靜。

一意搏心。耳目不淫。雖遠若近。

言既體正氣靜意一心搏耳目之用

不有淫過事雖遠大可以近速而成也

思索生知。

近而遇思索其知自生

慢易

生憂。

疎慢輕易必致凶禍故生憂

暴傲生怨。

殘暴傲虐傷害必多故生怨也

憂

鬱生疾。

憂志鬱塞懷不通暢故生疾也

疾困乃死。

既疾而困可謂彌留而死

思

之而不捨。內困外薄。

思欲不捨則五藏困於內形骸薄於外也

不蚤為

圖生將異舍

既已內困外薄尚不圖之如此則食生將異適其舍而至於死期也

莫若無飽

飽食者善閉塞

思莫若勿致

致思者多困竭

節適之齊

彼將自至

齊中也言能節食適思常莫過中則生將自至

凡人之生也天

出其精

言稟精於天也

地出其形

地出衣食以養成其形

合此以爲

人

言合天地精氣以成人

和乃生

二氣和乃成其生也

和不生察和

之道其精不見其徵不醜

醜類也言欲察和則精不可見至於徵驗又不

知其類也

平正擅匄論治在心此以長壽

和之精類雖可知見但能

平而正則和氣獨擅於匄中論其適理又不離心如此則可以益算而長壽也

忿怒之失

度乃爲之圖

若忿怒過度則當圖而去之

節其五欲去其二凶



喜怒過度皆能為害故曰二凶不喜不怒平正擅匈不喜不怒可謂和也故能

既平且正獨擅於胃中也凡人之生也必以平正所以失之必

以喜怒憂患是故止怒莫若詩詩有清風之慰故能止怒去憂

莫若樂節樂莫若禮守禮莫若敬守敬莫若靜內

靜外敬能反其性性將大定凡食之道大充傷而

形不滅大充謂過於飽大攝骨枯而血涸大攝謂過於飢血涸謂血銷滅

而凝充攝之間此謂和成間猶中也充攝得中則和暢而有所成也精

之所舍而知之所生言精智生舍於和成飢飽之失度乃為

之圖圖之令合於度飽則疾動飽而疾動則食氣銷飢則廣思飢而廣思

則忘其飢老則長慮老而長慮飽不疾動氣不通於四

末四支末飢不廣思飽而不廢廢止老不長慮困乃

遯竭令老則益困而速竭大心而敢心既浩大又能勇敢寬氣而廣當

舒其氣而廣有所容其形安而不移形安則志固故不移能守一而弃

萬苛守一則惡煩故能弃萬苛也見利不誘見害不懼寬舒而

仁獨樂其身是謂雲氣意行似天能調其氣故比於雲意之行氣

似天之布雲也凡人之生也必以其歡歡則志氣和故生也憂則失

紀怒則失端憂怒過常則失其端紀憂悲喜怒道乃無處憂怒

則害道故道無所處愛慾靜之遇亂正之謂若愛慾則當靜之若遇廢亂則當



雜篇已下多  
非管子書語  
意甚不類

正勿引勿推福將自歸去而勿引來而勿推但彼任平而往福則自歸也

道自來可藉與謀藉因也因其自來而與之謀則意動而理盡靜則得

之躁則失之靈氣在心一來一逝躁則來其細無

內其大無外所以失之以躁為害心能執靜道將

自定得道之人理丞而屯泄謂滕理丞達屯聚泄

散故旬節欲之道萬物不害能節欲則物無害也

封禪第五十元篇今以司馬遷封禪書所載管子言以補之

禘篇一

桓公既霸會諸侯於葵丘而欲封禪管仲曰古者

封泰山禪梁父者七十二家而夷吾所記者十有

二焉昔無懷氏

古之王者在伏羲前

封泰山禪云云

云云山在梁父

東

虞羲封泰山

禪云云

神農封泰山

禪云云炎帝

封泰山禪云云

黃帝封泰山

禪亭亭

亭亭山在牟陰顓頊

封泰山禪云云

帝嚳封泰山

禪云云

堯封泰山禪

云云舜封泰山

禪云云

禹封泰山

禪會稽湯封泰

山禪云云

周成王封泰山

禪社首

山名在博縣或云在鉅平南十

里皆受命然後得封禪桓公曰寡人北伐山戎過

孤竹西伐大夏涉流沙東馬懸車上卑耳之山

將上



山纏束其馬懸鈞其車也  
卑耳即齊語所謂辟耳

南伐至召陵登熊耳山

以望江漢兵車之會三而乘車之會六九合諸侯

一匡天下諸侯莫違我昔三代受命亦何以異乎

於是管仲睹桓公不可窮以辭因設之以事曰古

之封禪鄆上之黍北里之禾

鄆上山也鄆音臃  
北里皆地名所

以爲盛江淮之間一茅三脊

所謂靈茅所以爲藉也東

海致比目之魚

各有一目不比  
不行其名曰鱈

西海致比翼之鳥

各有一翼不比  
飛其名曰鸕鷀

然後物有不召而自至者十有

五焉今鳳凰麒麟不來嘉穀不生而蓬蒿藜莠茂

鵷臯數至而欲封禪。毋乃不可乎。於是桓公乃止。

小問第五十一

襍篇二

桓公問管子曰。治而不亂。明而不蔽。若何。管子對曰。明分任職。則治而不亂。明而不蔽矣。公曰。請問富國奈何。管子對曰。力地而動於時。則國必富矣。

謂勤力於地利其所動作必合於天時

公又問曰。吾欲行廣仁大義。

以利天下。奚爲而可。管子對曰。誅暴禁非。

此大義也

存

亡繼絕而赦無罪。

此廣仁也

則仁廣而義大矣。公曰。吾



聞之也。夫誅暴禁非而赦無罪者。必有戰勝之器。

攻取之數。而後能誅暴禁非而赦無罪。公曰。請問

戰勝之器。管子對曰。選天下之豪傑。致天下之精

材。來天下之良工。則有戰勝之器矣。公曰。攻取之

數何如。管子對曰。毀其備。散其積。奪之食。則無固

城矣。毀備奪食則無以守故公曰。然則取之若何。

謂取其土管子對曰。假而禮之。假謂假借之恩厚而勿欺。厚謂重之

以。則天下之士至矣。公曰。致天下之精材若何。精材

謂美材可為軍之器用也管子對曰。五而六之。九而十之。不可

爲數

欲致精材者必當貴其價故他處直五我酬之六他處直九我酬之十常令貴其一分不

可爲定數如此則天下精材可致也

公曰來工若何管子對曰三倍

不遠千里

酬工匠之庸直常三倍他處則工人不以千里爲遠皆至矣

桓公曰

吾已知戰勝之器攻取之數矣請問行軍襲邑舉

錯而知先後不失地利若何管子對曰用貨察圖

用貨爲反間則知其先後察彼國圖則不失地利也

公曰野戰必勝若何管

子對曰以奇

奇謂權譎以勝敵也

公曰吾欲徧知天下若何

管子對曰小以吾不識則天下不足識也

若能博聞多見

齊其所不識則知天下遍矣吾之所識天下亦無人能識之也

公曰守戰遠見有



患。

為國者必入守出戰今吾於此二者預見其患矣

夫民不必死則不可

與出乎守戰之難。

守戰之難必致死然後可出也

不必信則不可

恃而外知。

人必誠信然後為君視聽故知外事也

夫恃不死之民而

求以守戰恃不信之人而求以外知此兵之三閼

也。

苟不死不信則守閼戰閼外閼故曰三閼

使民必死必信若何管子

對曰明三本公曰何謂三本管子對曰三本者一

曰固二曰尊三曰質公曰何謂也管子對曰故國

父母墳墓之所在固也。

人既戀本而哀墳墓則其心固

田宅爵祿

尊也妻子質也三者備然後大其威厲其意則民

必死而不我欺也。不我欺則信也桓公問治民於管子。管

子對曰。凡牧民者。必知其疾。疾謂患苦也而憂之以德。

勿懼以罪。勿止以力。煩力役則止而不來慎此四者。足以治

民也。桓公曰。寡人睹其善也。何為其寡也。謂四言雖善然

以之理國恐其太少管仲對曰。夫寡非有國者之患也。患在不

行不在寡少也昔者天子中立。地方千里。四言者該焉。何

為其寡也。該備也。謂四言足以備千里之化。不為少夫牧民不知其疾

則民疾。疾謂憎嫌之也不憂以德。則民多怨。懼之以罪。則

民多詐。設詐以避罪也止之以力。則往者不反。創其力役之苦來



者驚距。驚疑也。距止也。聞其役煩則疑而止也。故聖王之牧民也不

在其多也。桓公曰善。勿已。如是又何以行之。其事既善

雖然不但如是而已。更管仲對曰。質信極忠。質主也。謂

主能得信。又極忠也。嚴以有禮。慎此四者。所以行之也。桓公

曰。請聞其說。管仲對曰。信也者。民信之。忠也者。民

懷之。嚴也者。民畏之。禮也者。民美之。語曰。澤命不

渝。信也。謂恩澤之命不有渝變如此者信也。非其所欲。勿施於人。仁

也。仁者忠於人也。堅中外正。嚴也。質信以讓。禮也。主行於信又能

遜讓如此者禮也。桓公曰。善哉。牧民何先。管子對曰。有時

澤作釋舍也

先事。有時先政。有時先德。有時先怒。飄風暴雨。不

爲人害。涸旱。不爲民患。百川道。百川之流皆從故道年穀熟。

糴貸賤。禽獸與人聚食。民食。年穀熟則禽獸食人之食民不疾

疫。當此時也。民富且驕。牧民者。厚收善歲。以充倉

廩。善歲謂有年禁藪澤。此謂先之以事。隨之以刑。敬之

以禮樂。以振其淫。振正也。禮樂者所以止人淫放此謂先之以政。

飄風暴雨爲民害。涸旱爲民患。年穀不熟。歲饑。糴

貸賤。民疾疫。當此時也。民貧且罷。牧民者。發食廩

山林藪澤。以共其財。後之以事。先之以恕。以振其



罷此謂先之以德其收之也不奪民財謂善歲也其施

之也不失有德謂凶年也富上而足下此聖王之至事

也桓公曰善

桓公問管仲曰寡人欲霸以二三子之功既得霸

矣今吾有欲王其可乎管仲對曰公當召叔牙而

問焉管仲知桓公不可王難以實對故推令問易牙鮑叔至公又問焉鮑

叔對曰公當召賓胥無而問焉賓胥無趨而進公

又問焉賓胥無對曰古之王者其君豐其臣教君豐

臣教則君能制臣故可以王也今君之臣豐言德豐於君也公遵遁繆然

遠二三子。遂徐行而進。

言公之所遵行者皆流通繆妄之事無所比可謂遠

於二三子但當塗而漸以取進耳欲王天下恐未可

公曰。昔者大王賢王季

賢文王賢武王賢武王伐殷克之七年而崩周公

旦輔成王而治天下僅能制於四海之內矣。今寡

人之子。不若寡人寡人不若二三子。以此觀之。則

吾不王必矣。

桓公曰。我欲勝民。

言欲勝服於民

爲之柰何。管仲對曰。此

非人君之言也。

人君之言當仁以化之不可直用刑勝也

勝民爲易。夫

勝民之爲道。非天下之大道也。君欲勝民。則使有



司疏獄而謁有罪者償

謂疏錄獄囚謁告有罪者則償之也

數省而

嚴誅

數省有過嚴其誅罪

若此則民勝矣雖然勝民之爲道

非天下之大道也使民畏公而不見親

嚴刑故也

禍亟

及於身

二世嚴刑身戮望夷

雖能不久

雖能勝人不可久安

則人持莫

之弑也危哉

持謂見劫執也弑謂殺親也

君之國岌乎

桓公觀於廐問廐吏曰廐何事最難廐吏未對管

仲對曰夷吾嘗爲圉人矣

圉養馬者

傳馬棧最難

謂編次之

棧馬所立木也

先傳曲木曲木又求曲木

編棧者先附曲木其次還須曲

木求其類

曲木已傳直木無所施矣

既用曲木又施直木則失其類而棧

敗矣。喻小人用。先傳直木。直木又求直木。直木已

傳。曲木亦無所施矣。喻君子用。則小人退。

桓公謂管仲曰。吾欲伐大國之不服者。奈何。管仲

對曰。先愛四封之內。然後可以惡竟外之不善者。

四封之內見愛則人致死。可以惡竟外之不善者。先定卿大夫之家。然後

可以危鄰之敵國。卿大夫之家既定。則國強。故可以危鄰國。是故先王

必有置也。然後有廢也。已國有置。然後廢他國也。必有利也。然

後有害也。能利已國。然後可以害他國也。

桓公踐位。令釁社塞禱。殺生以血澆落。於社曰釁社。祝鳧已疵



獻胙

祝史鳧疵其祝名也胙祭肉也

祝曰除君苛疾

祝今除君與煩苛之疾

若之多虛而少實

若似也謂君之材能多似有而非實如此者亦祝去之也

公不說瞑目而視祝鳧已疵祝鳧已疵授酒而祭

之曰又與君之若賢

謂君似賢亦當去之

桓公怒將誅之而

未也以復管仲

復猶告也

管仲於是知桓公之可以霸

也

祝史誣君之惡君怒而將誅之是心務善也故知可與霸也

桓公乘馬虎望見之而伏桓公問管仲曰今者寡

人乘馬虎望見寡人而不敢行其故何也管仲對

曰意者君乘駮馬而海桓迎日而馳乎

海古盤字

公曰

然管仲對曰。此駁象也。駁食虎豹。故虎疑焉。

楚伐莒。莒君使人求救於齊。桓公將救之。管仲曰。

君勿救也。公曰。其故何也。管仲對曰。臣與其使者

言。三辱其君。顏色不變。辱其君而色不變。則無羞耻也。臣使官無

滿其禮三。三加其禮。皆不滿足。強其使者。爭之以死。不識不

纔激強之則爭。莒君。小人也。君勿救。其使不賢。故知其君小人

也。桓公果不救而莒亡。

桓公放春三月。觀於野。春物放發。故曰放春。桓公曰。何物可

比於君子之德乎。隰朋對曰。夫粟內甲以處。中有



卷城外有兵刃

種粟者甲在內而處葉居外而未

敢自恃自命曰粟

粟之物用雖如此然不敢自恃故自名曰粟粟則謹促之名也

此其可比於君子之德乎管仲曰苗始其少也

眴

胡絹切目搖也

乎其孺子也

眴柔順貌穀苗始則柔順故似孺子也

至

其壯也莊莊乎其士也

莊謂苗轉長大莊莊矜直貌也

至其成

也由由乎茲免何其君子也

由由悅也實貌茲勉謂益有謹勵

天

下得之則安

人以穀為命

不得則危故命之曰禾

以其和調

人之性命此其可比於君子之德矣桓公曰善

桓公北伐孤竹未至卑耳之谿十里闐然止惝然

視。

闕。住立貌。瞠。驚視貌。

援弓將射。引而未敢發也。謂左右曰。

見是前人乎。左右對曰。不見也。公曰。事其不濟乎。寡人大惑。今者寡人見人長尺而人物具焉。冠右祛衣。走馬前疾。事其不濟乎。寡人大惑。豈有人若此者乎。管仲對曰。臣聞登山之神有俞兒者。長尺而人物具焉。霸王之君興而登山。神見且走馬前疾。道也祛衣。示前有水也。右祛衣。示從右方涉也。至卑耳之谿。有贊水者。謂贊引渡水者。曰。從左方涉。其深及冠。從右方涉。其深至膝。若右涉。其大濟。桓公立。



拜管仲於馬前曰。仲父之聖至若此。寡人之抵罪

也久矣。

抵當也。不知仲父之聖。是寡人當有罪久矣。

管仲對曰。夷吾聞

之。聖人先知無形。今已有形而後知之。臣非聖也。

善承教也。

善承古人之法。

桓公使管仲求甯戚。甯戚應之曰。浩浩乎。管仲不

知。至中食而慮之。婢子曰。公何慮。管仲曰。非婢子

之所知也。婢子曰。公其毋少少。毋賤賤。昔者吳干

戰。

干江邊地也。

未齒不得入軍門。

齒毀也。

國子擿其齒。遂

入爲干國多。

戰功曰多。言於干戰國子功多也。

百里奚。秦國之飯

牛者也。穆公舉而相之。遂霸諸侯。由是觀之。賤豈

可賤。少豈可少哉。管仲曰。然。公使我求甯戚。甯戚

應我曰。浩浩乎。吾不識。婢子曰。詩有之。浩浩者水。

育育者魚。水浩浩然盛大魚育育然相與而遊其中喻時人皆得配偶以居其室家甯戚

有伉儷之思故陳此詩以見意未有室家而安召我居。言誰當召我授之配

匹與之爲居乎也甯子其欲室乎。

桓公與管仲闔門而謀伐莒。未發也。而已聞於國。

其故何也。管仲曰。國必有聖人。桓公曰。然。夫日之

役者。有執席食以視上者。必彼是邪。桓公與管仲謀時役人於



前乃有執席而食私目上視所於是以乃令之復役

以察君也必是人者知吾謀也

於是乃令之復役

毋復相代

時執席而食者代人入役因得察君今不令相代彼亦知若覺已必當來也

少焉東郭郵至桓公令儼者延而上

儼謂贊引賓客者也與

之分級而上

公以客禮待之故與之分級而上謂使之就賓階也

問焉曰子

言伐莒者乎東郭郵曰然臣也桓公曰寡人不言

伐莒而子言伐莒其故何也東郭郵對曰臣聞之

君子善謀而小人善意

善以意度之也

臣意之也桓公曰

子奚以意之東郭郵曰夫欣然喜樂者鐘鼓之色

也夫淵然清靜者縗絰之色也溲然豐滿

武心在兵武形氣



盛故其貌豐滿而手足拇動者。中勇外形必應兵甲之色

也。曰者臣視二君之在臺上也。口開而不闔是言

莒也。

莒字兩口故二君開口相對即知其言莒

舉手而指勢當莒也。且

臣觀小國諸侯之不服者唯莒於是

唯莒不服於是知之

臣

故曰伐莒。桓公曰善哉。以微射明此之謂乎。

言以形色

之微知伐國之明也

子其坐寡人與子同之。

同伐莒之謀也

客或欲見於齊桓公。請仕上官。授祿千鍾。公以告

管仲。曰君予之。客聞之曰臣不仕矣。公曰何故。對

曰臣聞取人以人者。

以人之言然後取人

其去人也亦用人。



管子  
卷十六  
吾不仕矣。

管子卷第十六

終







